

永樂大典

三

卷七千九百六十

永樂大典卷之七千九百六十三

十九庚

興

紹興府

領縣八舊六新二

山陰倚郭

上虞

嵊縣

餘姚舊州

會稽倚郭

蕭山

新昌

諸暨舊州

府縣圖

建置沿革

至到

城池

坊巷

橋梁

鄉都

園池

堰閘

風俗形勢

戶口

賦稅

永樂大典卷之七千九百六十三

土產

土貢

山川

祠廟

寺觀

壇壝

官制

解宇

學校

兵防


古蹟


宦蹟

人物

文章

紹興府八縣總圖





卷七九百六十三

西


東

北

南

紹興府四隅圖

紹興府公廨圖



卷七十九百六十三

西

四


北

南


東

三十一

山陰縣圖



會稽縣圖




永樂大典

卷七九六三





蕭山縣圖



餘姚縣圖




永樂大典

卷七九六三

上虞縣圖





圖

縣

昌

新



三七〇六

建置沿革

本府 大明清類天文分野之書禹貢揚州之域其山鎮曰會稽牛女之分 夏禹會諸侯江南計功命曰會稽會稽者會計也少康封少子無餘於會稽以奉禹祀墟於越周敬王時有越侯大鐘子曰允常階稱王允常卒子句踐立為吳夫差所敗棲於此後併吳而有其地後為越所併其地盡入于楚秦始皇二十五年王翦滅楚以越併入吳地共立會稽郡漢高帝六年封荆王賈十二年封吳王濞並為會稽郡地景帝四年更屬江都國後國除罷為郡東漢順帝永建四年分浙江以西為吳郡東為會稽郡三國吳少帝太平二年以會稽東部為臨海郡永安三年分為建安郡寶鼎元年又分為東陽郡晉為會稽國咸和四年改會為郡宋孝建元年分揚州之會稽等五郡置東揚州齊梁並因之隋開皇九年改東揚為吳州大業元年又改為越州三年罷為會稽郡唐武德四年置越州總管七年改為都督府天寶元年改會稽郡乾元元年分置浙江東道節度治越州大曆五年改置浙東觀察使十一年省以屬浙西永貞元年復置廣明元年陞義勝軍節度五代錢氏據兩浙地號吳越王宋至道中屬兩浙路又以越州為帥府紹興六年陞為紹興路元為紹興路屬江浙行省

永樂大典卷七千九百六十三

十三

本朝為紹興府屬浙江承宣布政司紹興府志越之封域西北距江抵海東南薄明台金華諸郡內包八縣外周迴幾二千里蓋浙江之甲郡也故於其城郭之所建市鎮之所在鄉鄙之所布道里之所至者不得不詳錄焉若夫府縣之沿革分野之所屬則又皆按夫古書而志焉者也 紹興府一名會稽一名越按舊志自唐虞以來為平水土別九州時地隸揚州之域禹後會諸侯於江南計功而崩因葬焉遂命其山曰會稽會稽者會計之謂也至夏后少康封庶子於會稽以奉禹祀其後有句踐者為越王始號於越及秦始皇降越通浙江東西始置會稽郡以治吳前漢時亦治吳領曲阿烏傷毗陵餘暨陽羨諸暨無錫山陰丹徒餘姚婁上虞海鹽剡由拳太末烏程句章餘杭鄞錢塘鄞富春冶回浦二十六縣後漢順帝永建四年分浙江以西為吳郡海鹽等縣屬焉以東為會稽郡領山陰鄞烏傷餘暨諸暨太末上虞剡餘姚句章鄞章安永寧東候官十四縣台山陰縣章安即回浦永寧分章安而立者東候官即治縣皆漢所改置吳寶鼎元年分會稽置東陽郡以烏傷等縣屬焉會稽領山陰永興諸暨上虞餘姚句章始寧剡鄞十縣內永興即餘暨吳改名始寧即上虞南鄉漢時分置晉改會稽郡為會稽國宋罷會稽郡府復為會稽郡皆統縣十齊

梁陳因之隋改會稽郡為吳州又改越州尋罷州為會稽縣併餘姚鄞  
入句章縣及剡諸縣統縣凡四唐武德四年又改越州以剡置嵊州并折  
置剡城縣後廢嵊州為剡縣以鄞屬會稽統縣凡五天寶元年復為會稽  
郡乾元元年復改為越州宋建炎五年高宗南渡改為紹興府領山陰會  
稽蕭山諸暨上虞餘姚剡新昌八縣內蕭山即永興唐改名新昌梁錢鏐  
折剡縣而立者前元改紹興府為紹興路今復為紹興府統縣亦八會稽  
志越在唐虞時禹平水土制九州而越為揚州之域職方氏東南曰揚州  
其山鎮曰會稽釋云會稽在山陰舊經云塗山在山陰縣西北禹會萬國  
之所左傳來公七年魯大夫曰禹合諸侯於塗山執王帛者萬國杜預注  
云塗山在壽春東北說者遂疑塗山非會稽今塗山之右有四會稽壽春  
之外復有渝州之塗山杜子美賦禹廟詩者文字音義云塗山古國  
名夏禹娶之今之宣州當塗縣也杜預獨指壽春之塗山為禹合諸侯之  
地宜必有據然按史記夏本紀贊曰禹會諸侯江南計功而崩因葬焉命  
曰會稽會稽者會計也裴駟注引皇覽曰禹冢在山陰會稽山上會稽山  
本名苗山在縣南去縣七里越傳曰禹到大越上苗山大會計壽有德封  
有功更名苗山曰會稽家語孔子曰昔禹致群臣於會稽之山防風氏後

至禹殺而戮之其骨專車封禪書曰禹封泰山禪會稽由是論之禹既合  
諸侯於會稽屬詎知魯大夫所謂塗山非會稽歟至夏后帝少康封庶子  
於會稽以奉守禹之祀文身斷髮披草萊而邑焉後二十餘世至於允常  
允常之時與吳王闔閭戰而相怨伐允常卒于句踐立是為越王舊經云  
春秋貶之號為於越按春秋定公五年書於越入吳杜預曰於發聲也西  
漢云太伯初奔荊蠻荊蠻歸之號曰句吳顏師古云句吳亦猶干越也太伯至  
德初無貶辭特從其俗爾公羊云於越者未能以名通也殺梁范氏注云  
春秋即其所以自稱者書之然竊有疑焉越於是時猶未預中國會盟未  
嘗與中國通也經書於越入吳非越自稱明矣豈書於經者乃吳王告同  
盟之辭歟哀公二十一年越人始來二十三年魯始使越據此可知且以  
句踐為君而種蠡為臣果未能以名通者乎定公十四年吳伐越越子句  
踐禦之陳于檣李句踐患吳之整也使死士再禽焉不動使罪人三行屬  
劍於頸而辭曰二軍有治臣奸謀鼓不敏於君之行前不敢逃刑敢歸死  
遂自到也師屬之目越子因而伐之大敗之靈姑渚以戈擊闔閭闔閭傷  
將擒取其一屨還卒於陘去檣李七里夫差使人立於庭荀出入必謂已  
曰夫差而忘越王之殺而父乎則對曰唯不敢忘三年乃報越哀公元年

永樂大典

卷七九六三

吳王夫差敗越于夫椒報槁李之役也遂入越越子以甲楯五千保于會稽使大夫種因吳太宰嚭以行成吳子將許之伍員曰句踐能親而務施夷而長寇讎以是求伯必不行矣弗聽三月越及其平吳越春秋謂吳封地百里於越國語曰句踐之地南至句無今諸暨有句無亭北至于禦兒今嘉興有禦兒鄉西漢功臣朱兩母傳有語兒侯東至于鄞西至于姑蔑今太末地也廣運百里句踐乃與范蠡深謀二十餘年竟滅吳報會稽之耻北渡兵於淮以臨齊晉號令中國以尊周室致貢於周周元王使人賜句踐胙命為伯諸侯畢賀乃徙都琅邪漢書地理志云琅邪越王句踐嘗治此起館臺有四時祠吳越春秋亦云越王於此起觀臺周七里以望東海句踐卒子王鼫與立王鼫與卒子王不壽立王不壽卒子王翁立王翁卒子王翳立王翳遜國逃於巫山之穴越人薰而出之王翳遜國之賢君蓋吳太伯之儔也王翳卒子王之侯立王之侯卒子王無疆立按此句踐至無疆寔六世舊經云五世者誤也王無疆時與師伐齊西伐楚與中國爭疆當楚威王之時越北伐齊齊威王使人說越王於是越遂釋齊而伐楚楚威王興兵而伐之大敗越殺王無疆盡取故吳地至浙江北破齊

永樂大典卷七九百六十三

十五

徐州而越以此散諸族于乎立或為王或為君濱於江南海上服朝於楚後七世至閻君操佐諸侯平秦漢高帝復以操為越王以奉越後東越閻君皆其後也 會稽郡 秦始皇二十五年大興兵使王翳遂定荆江南地降越君置會稽郡治吳二十六年初并天下用廷尉李斯議分天下以三十六郡郡置守尉監郡守掌治其郡有丞尉掌佐守典武職甲卒監御史掌監郡漢興高皇帝六年以其地封劉賈為荆王賈布反荆王賈死之無後十二年封劉濞為吳王王三郡五十三城孝景帝四年吳王濞反誅乃復為會稽郡越絕外傳曰漢孝景五年會稽屬漢屬漢者始并之也舊經云後復屬江都國江都王建有罪國除乃更為郡按漢書地理志廣陵國注江都易王非廣陵屬王胥皆都此并得鄣郡而不得吳劉賈父云然則會稽不得云屬江都也吳未有以強記稱且距漢未遠任本郡門下書佐太守濮陽典問漢封諸侯事而有所對亦止言劉賈為荆王濞為吳王濞誅乃復為郡治於吳亦不及屬江都事也前漢志領縣二十六後漢順帝永建四年分浙江以東十四縣為會稽郡治山陰東晉為會稽國改太守為內史宋武帝永初二年罷會稽郡府復為會稽郡齊梁陳因之隋為吳州改越州尋罷州為會稽郡依漢制置太守以司隸刺史相統治唐



武德四年為越州天寶元年復為會稽郡乾元元年復改為越州 越州  
 越州隋大業置古會稽郡也因國為名置刺史焉按漢武帝紀元封五  
 年初置刺史部十三州顏師古曰漢舊儀云初分十三州假刺史印綬有  
 常治所以秋分行部所察六條秩六百石於是乃復禹貢九州之名而增  
 以周之幽并與漢所開之朔方交趾以為十三州也會稽自昔常隸揚州  
 晉王羲之為會稽內史王述為揚州數檢校郡事羲之耻之求分會稽為  
 越州不果遂稱疾去郡誓墓終身不仕其後至隋而會稽卒為越州蓋本  
 於此宋齊梁陳會稽自為東揚州刺史不復受察於揚州雖漢異古制然  
 猶未至盡廢刺史之職或以刺史行太守事如曰東揚州刺史領會稽太  
 守是也或加使持節隋唐而降支郡皆稱刺史但領一州而以州統縣與  
 他州等故又於此置總管府以統其屬州隋文帝初平江南改曰吳州大  
 業中遂改為越州尋罷州置郡以刺史十四人巡察畿外諸郡所察六條  
 略如漢制唐武德四年復為越州置總管領州如故未久改總管為都督自  
 是政更不常郡則曰太守州則曰刺史其實一也至乾元元年遂為越州  
 大抵越州其實與會稽郡同非復如漢十三州之重刺史亦非復古之部

永樂大典卷七十九百三

十六

刺史但以總管都督階制一道爾 紹興府 宋建炎三年十月庚申車  
 駕自杭州巡幸御樓船渡浙江壬辰幸越州四年四月癸未御舟自温台  
 回駐蹕越州明年正月一日改元紹興越州官吏軍民僧道上表乞賜府  
 額昔唐德宗以興元元年巡幸梁州改梁州為興元府於是朝廷用興元  
 故事改越州為紹興府初車駕幸揚州駐蹕逾年又嘗經郊祀然未嘗建  
 為府則紹興蓋特恩也車駕既移蹕臨安首命前叅知政事資政殿學士  
 故守謝到任表曰矧是肇新府號久駐 之故棲  
 厲嘗瞻枕戈之志想神禹之遺迹服卑官非食之勞又謝賜行宮充本府  
 治所表曰廣廈千間已免震凌之患土階三尺尚存簡素之風皆言上駐  
 蹕之久而官室無所增葺也浙東提點刑獄曾喚舊為史官見日曆所書  
 紹興二年正月車駕移蹕臨安閏四月戊戌詔紹興府行宮復作府治上  
 曰時方艱難若不賜與則須別建賜之所以寬民力也州額初題越州大  
 都督府既賜府額當題云紹興大都督府而右朝奉大夫吳說乃題云大  
 都督紹興府議者或非之 歷代屬州 會稽郡自漢順帝時還治山陰  
 其所領山陰鄞烏傷餘 者暨太末上虞剡餘姚句章鄞章安永寧東候  
 官猶十四縣其地廣於越西限浙江東北至海而止提封數千里粵自

秦漢常為都會晉渡江後三吳之豪請都會稽雖不果亦足見當是時會稽兼號富實常為本根之地故諸葛恢為會稽常謂曰今之會稽昔之關中也宋書史臣曰江左以來根本於揚越又云會土帶海傍湖良疇數十萬頃膏腴上地賦直一金郛社之間不能比也又宋宏漢紀許子將曰會稽富實策之所資以此論之會稽自古以富實名者徒以鏡湖之利也今氏盜湖為田湖廢幾盡按晉宋間謂會稽為會者三國志謂吳郡會稽為吳會二郡張紘謂收兵吳會則荆揚可一孫賁傳云策已平吳會二郡朱桓傳云部伍吳會二郡是也前策有讀會字為都會之會或者以為不然今姑蘇有吳會館蓋承其誤後漢末孫策略平江左渡浙江自領會稽太守策平曹操又表其弟權為會稽太守以統江左諸郡三國志云策渡浙江以其屬吳景為丹陽太守孫賁為豫章太守孫輔為廬陵太守朱治為吳郡太守而策自領會稽太守是也孫權謂虞翻曰孤有征討事未得還府卿後以功曹為吾蕭何守會稽耳興平四年策乃分章安水寧之地置松楊縣吳錄云取松楊木為名又置始平縣政章安曰雁陽縣至吳孫亮太平二年又置臨海縣立會稽東部為臨海郡以臨海始平松楊雁陽四縣屬焉於是會稽始有屬郡初後漢建安中孫氏分東候官之地立邑即

永樂大典卷千九百六十三

以年號為名曰建安縣據續通典云孫策建安十二年立按是時策已死又置南平漢興二縣以屬會稽南部都尉至孫休永安三年遂割會稽南部為建安郡孫皓寶鼎元年又以漢末以來分烏傷太末之地所立新安豐安長山吳寧遂昌永康定陽并烏傷太末凡九縣置東陽郡至晉又分臨海郡之松楊雁陽東陽郡之遂昌凡三縣立永嘉郡乃今處州晉既平吳立東候官為晉安郡分隸揚州東晉以會稽郡為王國併隸揚州宋永初二年正月罷會稽郡府遂復為郡孝建元年立為東揚州統會稽東陽新安臨海水嘉五郡大明三年以揚州所統六郡為王畿而東揚州直為揚州以豫章王子尚為刺史加都督八年冬復以王畿諸郡為揚州而會稽還為東揚州統郡如故永光元年秋八月始改是年為景和元年東揚州併揚州梁普通六年復以會稽東陽新安臨海水嘉五郡及建安晉安二郡立東揚州大寶二年湘東王繹承制以陳霸先為都督會稽東陽新安臨海水嘉五郡諸軍事東揚州刺史領會稽太守承聖三年以陳霸都督會稽十郡諸軍事會稽太守陳永定三年改永嘉郡為會稽州尋省東揚州併屬揚州又分建安晉安二郡權立閩州天嘉元年以徐度為使持節都督會稽東陽臨海水嘉新安新寧信安建安晉安九郡諸軍事鎮東將

永樂大典

軍會稽太守天嘉三年安都破留吳東陽平六月以會稽東陽臨海水  
嘉新安新寧晉安建安寧置東揚州以揚州刺史始興王伯茂為鎮東將軍  
東揚州刺史光大二年劉東揚州晉安郡為豐州隋開皇九年改東揚州  
曰吳州置總管府煬帝大業元年正月廢諸州總管府尋改吳州為揚州  
改東陽郡為婺州又改永嘉郡為處州尋改為梧州而廢臨海郡大業三  
年四月壬辰改州為郡越州曰會稽郡婺州曰東陽郡梧州曰永嘉郡唐  
武德四年平李于通改會稽郡為越州置總管府改東陽郡為婺州永嘉  
郡為梧州復故臨海郡為海州復故建安郡為建州又以剡縣立嵎州并  
析置剡城縣析故句章縣地置姚州鄞州以烏傷縣地為網縣置網州并  
析置華川縣析信安縣置衢州以龍丘縣地置穀州并析置白石縣以縉  
雲縣地置麗州以松陽縣置松州以桐廬分水建德三縣置嚴州五年以  
永嘉縣置東嘉州并析置永寧安固橫陽樂成四縣屬焉是歲改海州為  
台州七年改總管為都督府廢姚州入餘姚縣來屬廢網州入烏傷縣更  
名義烏屬婺州廢嚴州以桐廬縣屬睦州八年廢鄞州以鄞縣來屬廢穀  
州以白石縣入信安縣廢麗州為永康縣屬婺州廢松州為松陽縣貞觀  
元年廢東嘉州省橫陽永寧二縣以永嘉安固二縣併隸梧州廢嵎州以

永樂大典卷七千九百六十三

剡縣來屬是歲始命併省分天下為十道越州督越婺泉建台括六州隸  
江南道高宗上元二年又分括州之永嘉安固兩縣置温州垂拱二年又  
析婺州之常山信安龍丘復置衢州景雲二年分天下為二十四都督府  
以統其屬州越州所督不滿十州定為中都督府既而以其權重皆罷之  
開元二十一年分隸江南東道開元二十六年採訪使齊澣奏割鄞縣置  
明州天寶元年改越州為會稽郡温州為永嘉郡而括州為縉雲郡台州  
為臨海郡明州為餘姚郡建州為建安郡衢州為信安郡乾元元年復改  
會稽郡為越州縉雲郡為括州信安郡為衢州永嘉郡為温州餘姚郡為  
明州東陽郡為婺州臨海郡為台州新定郡為睦州領越睦婺台明處  
溫八州治越州隸浙江東道大曆十四年廢浙江東道建中元年復置二  
年復廢貞元三年復置浙江東道領越婺台明衢處溫七州而睦州隸浙  
江西道皇朝因之紹興元年升為紹興府所領州如故 歷代屬縣 前  
漢志會稽郡治吳領縣二十六吳曲阿烏傷毗陵餘暨陽羨諸暨無錫山  
陰丹徒餘姚婁上虞海鹽剡由拳太末烏程句章餘杭鄞錢塘郡富春治  
回浦舊經云光武改回浦曰章安以治立東候官分章安立永寧縣通典  
云永嘉本漢治縣地後漢改為章安續通典云漢書東越舉國內徙乃以

永樂大典

卷七九六三

其地為回浦縣屬會稽郡後更名章安又以章安之東甌鄉為永寧縣隋為永嘉縣初西漢以粵反覆險阻為後世患遷其民江淮遂虛其地後有遁逃山谷者稍出立為冶縣顏師古注云越王治鑄之地後又名為東冶縣後漢光武時又曰東候官今閩縣是也言東以別其西如閩縣居候官之東故曰東候官以此又知候官之名已久治之地不一後因其名以為縣也一云秦立胡候之官於此故名通典云後漢分治地為會稽東南二部都尉此為南部都尉東部今臨海是也大抵南至晉安東至章安皆治縣地詳而言之則閩越為冶而東甌為回浦原其本皆粵地也順帝永建四年陽羨人一作陽羨今周嘉上書以吳越一國周旋一萬一千里以浙江山川險絕求得分置遂分浙江以西為吳郡以東為會稽郡三國志吳未育云永建四年劉府君上書以浙江之北為吳郡會稽還治山陰舊經云領山陰鄞烏傷餘暨諸暨太末上虞剡餘姚句章鄞章安永寧東候官十四縣治山陰又分上虞南鄉為始寧縣初平三年分太末縣置新安縣分烏傷南鄉為長山縣與平二年分諸暨之大門村為漢寧縣又分章安之南鄉為松楊縣建安四年孫氏分太末立豐安縣又分信安立定陽縣建安二十三年分太末立平昌縣晉志曰遂昌吳分永寧立南始平縣今

永樂大典卷七九六三

十九

之天台又分烏傷之上浦為永康縣分章安立臨海縣改章安為羅陽縣餘暨曰永興縣漢寧曰吳寧縣吳少帝太平二年以會稽東部為臨海郡分臨海南始平松楊羅陽四縣屬焉續通典云孫策於建安十二年分東候官之地立邑即以年號為名曰建安縣屬會稽南部都尉三國志云永安三年以會稽南部為建安郡而縣為屬孫皓寶鼎元年分會稽為東陽郡以烏傷太末新安豐安長山吳寧平昌永康定陽九縣屬焉而會稽領山陰永興諸暨上虞餘姚句章始寧剡鄞十縣晉地道志宋州郡志領縣皆十隋平陳廢山陰永興上虞始寧為會稽縣併餘姚鄞入句章縣及剡諸暨統縣四唐武德四年以剡置嵎州并析置剡城縣析句章之餘姚置姚州析句章之鄞置鄞州七年輔公柝平廢姚州以餘姚縣來屬析會稽立山陰縣八年廢鄞州為鄞縣嵎州為剡縣並來屬省山陰縣復入會稽凡統縣五垂拱二年復置山陰縣儀鳳二年復置永興縣開元二十六年割鄞縣置明州天寶元年改永興為蕭山縣大曆二年因刺史薛兼訓之奏省山陰縣七年刺史陳少遊復奏置為貞元元年刺史王審奏置上虞縣元和十年又省山陰入會稽縣十年復置梁開平中錢鏐析剡縣立新昌縣皇朝因之領會稽山陰蕭山諸暨上虞餘姚剡新昌八縣宣和

三年方臘既平七月丁卯詔越州刺縣改名嵒縣與睦州改嚴州歙州改  
 徽州及睦州青溪縣改淳安衢州龍游縣改盈川皆同時也 廢州 會  
 稽郡漢領縣二十六至漢末六朝而降析會稽所隸縣為郡今為州軍二  
 十四會稽一郡獨領漢故縣餘暨諸暨山陰餘姚上虞剡凡六亦可謂盛  
 矣至唐初以州境獨大於它州故析剡縣為剡城縣立嵒州析餘姚縣為  
 姚州武德七年廢姚州復以餘姚縣來屬貞觀元年廢嵒州復以剡縣來  
 屬 廢縣 漢順帝時分上虞南鄉為始寧縣隋平陳廢興平二年分諸  
 暨大門村為漢寧縣吳改為吳寧縣寶鼎元年割隸東陽郡後復併入諸  
 暨今縣有大門里或云即其地也唐武德四年析剡為剡城縣武德七年  
 廢入剡縣乾道八年分諸暨之楓橋鎮為義安縣淳熙元年廢入諸暨縣  
 初戶部侍郎方公滋以吏事著一時典藩數十年所至有聲績其置縣雖  
 承史蔣二公之後然卒成之者方公也亦嘗為客言析縣之利它日當愈  
 見不可復併矣然曾未幾時遂為後守所廢徹取官署等以建僧寺人頗  
 議之至或謂有大姓居邑中方為鎮時擅事權握利柄役服小民無敢與  
 較故大不利於建縣云 昔在夏禹會諸侯於會稽歷三千歲而我高宗  
 皇帝御龍舟橫清江應天順動復禹之迹駐蹕彌年定中興之業群盜削

永樂大典卷七十九百三

二十

平強虜退遠於是用唐幸梁州故事陞州為府冠以紀元大駕既西幸而  
 府遂為股肱近藩稱東諸侯之首地望益視長安之陝洛汴都之陳許所  
 命牧守皆領浙東安撫使其自丞相執政來與去而拜丞相執政者不可  
 逮數而又昭慈聖烈皇后及永祐以來四陵橫斂相望於鬱蔥佳氣中朝  
 謁之使鱸銜較擊中原未清今天下鉅鎮惟金陵與會稽耳荆揚梁益津  
 廣皆莫敢望也則山川圖謀宜其廣載備書顧未暇及者縣數十年直龍圖  
 閣沈公作賓來為守慨然以為己任而通判府事施君宿發其端安撫司  
 幹辦公事李君兼韓君茂卿為之助郡士馮景中陸子虞王度朱鼎永嘉  
 邵持正等相與上參禹貢下考太史公及歷代史金匱石室之藏考及禹  
 雅本草道釋之書釋官野史所傳神林鬼區幽怪懔愾之說秦漢晉唐以  
 降金石刻歌詩賦詠殘章斷簡靡有遺者若父老以口相傳不見於文字  
 者亦間見層出積勞累月乃成沈公去為轉運副使猶經營此書不已華  
 文閣待制趙公不述賢文閣學士袁公說友繼為守亦力成之而始終其  
 事者施君也書雖本之圖經圖經出於先朝非藩郡所可附益乃用長安河  
 成都相臺之比名會稽志會稽為郡雖遠徙靡常而郡本以山得名又禹  
 所巡也故卒以名之既成屬游參訂其槩且為之序嘉泰元年十二月乙

百中大夫直華文閣致仕賜紫金魚袋陸游序會稽續志會稽志作於嘉  
泰辛酉距今二十有五年夫物有變遷事有沿革今昔不可同日語也况  
城府內外斬然一新則越又非曩之越矣苟不隨時紀錄後將何所攷昔  
虞翻未有答郡太守問會稽古今事應對如流纖悉弗遺當時但嘆其彈  
洽殊不知二公皆里人也其習熟有非一日漢雖世本中原僑寓是邦蓋  
有年矣山川風土之詳人材物產之富與夫事物之沿革變遷曩嘗訪聞  
茲又目擊於越事亦粗稔懼其久而遺忘輒哀輯而彙次之總為一編曰  
會稽續志所書固辛酉以後事而前志一時偶有遺逸者因追補之疎畧  
者因增廣之譌誤者因是正之異時有問我以越事敢執此以謝寶慶元  
年三月旦日梁國張漢序

山陰縣 大明清類天文分野之書周越王勾踐之都秦始皇二十七年

移大越曰山陰以邑在山之陰故也為縣屬會稽郡漢為郡都尉治順帝

永建四年分浙江以東為會稽郡治山陰晉以後並因之隋併入會稽唐  
武德七年析會稽立山陰縣八年省垂拱二年復置大曆二年省七年復  
置元和七年又省十年復置與會稽分治郡下宋為望邑元屬紹興路

本朝因之紹興府志山陰為縣按前漢志會稽郡領縣二十六山陰居其一

永樂大典卷七十九百六十三

三

隋平陳廢山陰及上虞等四縣為會稽縣唐武德七年析會稽立山陰縣  
八年併山陰縣復入會稽垂拱二年復置山陰縣大曆二年復革山陰七  
年復置馬宋元及

本朝因之不改舊志山陰縣本越王勾踐之都會稽土地志曰邑在山陰故

以名焉舊志又云山陰之名得之於秦寰宇記山陰縣舊十二郡今十五

鄉本秦舊縣置在會稽山北龜山西漢以為郡都尉所居宋畧云會稽山

陰編戶三萬號為天下繁劇王羲之云每行山陰道上如鏡中遊王子敬

見潭壑澄澈清流瀉注乃云山川之美使人應接不暇隋末廢併入會稽

唐武德四年又置貞觀元年又廢垂拱二年又分會稽置大曆二年又廢

七年刺史陳少遊又奏置之至元和七年併入會稽蕭山兩縣至十年又

置之輿地廣記望山陰縣秦漢以來故縣隋平陳省入會稽縣唐垂拱二

年復置在州郭下與會稽分治有鑑湖東漢永和五年太守馬臻所創開

周回三百餘里溉田九千餘頃創湖之始多浸冢墓有千餘人怨訴臻因

被刑於市及遣使覆按總不見人籍乃知死者所訴也有龜山一名怪山

一名自來山本自琅琊東武飛來於此其形似龜故名有蘭渙溪口有亭

曰蘭亭晉太守王羲之作曲水序於此元一統志會稽志云本越王勾踐

之都秦始皇三十七年東遊於此徙大越曰山陰以邑在山之陰故也西漢志曰會稽山在南上有禹冢禹井本靈文園顏注曰靈文侯薄太后父也自元至元十三年收附後定為上

會稽縣

大明清類天文分野之書夏禹方行天下還歸大越會計修國

之道以會稽名山仍為地號周越王棲于會稽即此山也秦始皇二十五年置會稽郡併置山陰縣漢以為郡治宋齊梁並因之隋併山陰等四縣入會稽縣為會稽郡治唐武德七年分置山陰縣八年省岳拱二年復分置山陰縣自此與山陰常分治郡下宋因之元屬紹興路

本朝因之

紹興府志會稽為縣元係郡名隋平陳廢郡屬縣山陰永興上虞始寧為會稽縣唐武德七年省山陰縣復入會稽岳拱二年析會稽復入

山陰縣儀鳳二年析會稽復置永興縣即今蕭山縣也大曆二年省山陰縣復入會稽七年析會稽復置山陰縣貞元元年析會稽復置上虞縣元和十年又省山陰入會稽尋於會稽析置山陰縣宋元因之不改輿地廣記望會稽縣本於越地禹會諸侯江南計功而崩因葬焉命曰會稽會稽者會計也其後帝少康封庶子杼於會稽以奉禹祀即越王允常之先也秦置山陰縣屬會稽郡漢因之東漢順帝以後為郡治晉因之後分置

永樂大典卷九百五十五

三

會稽縣隋為吳州越州及會稽郡治唐因之南有會稽山秦始皇於此刻石紀功有禹冢禹穴有秦望山在州城正南為東峯之傑始皇登之以望東海山南有嵯峴峴有大城越之先君無餘舊都于此有鏡湖若耶溪雷門

上虞縣

大明清類天文分野之書夏禹與諸侯會計因相虞樂於此故曰上虞又以為舜封支庶於會稽故邑有上虞秦屬會稽郡漢初因之順

帝時分上虞南鄉為始寧縣晉因之陳省入會稽隋罷上虞存始興唐貞元元年復置務宗長慶中移治今所宋元並屬紹興

本朝因之

紹興府志本縣為會稽屬邑舊志云秦漢以來上虞皆屬會稽郡王莽改上虞曰會稽光武復舊名晉仍漢舊故有分載上虞始寧之名唐

貞元中廢始寧復置上虞宋元因之皆屬紹興府案宇記上虞縣舊十三鄉今一十四鄉漢縣地理志云屬會稽郡唐長慶初廢併其地入餘姚後復置移於此理元一統志圖經引會稽十三州志云夏禹與諸侯會計因相虞樂於此故曰上虞華鎮又引雜記云舜封支庶於會稽故邑有上虞秦漢以來皆屬會稽郡唐志云貞元元年刺史王密奏復置上虞務宗長慶中移治今所宋以來為望縣自元至元十三年收附後定為中

永樂大典

卷七九六三

蕭山縣

大明清類天文分野之書周吳王闔閭弟夫榮之邑本日餘暨漢為餘榮縣三國吳孫權改曰永興縣晉因之隋省入會稽唐儀鳳二年復置永興縣天寶元年改名蕭山縣西蕭然山為石宋元屬紹興路

本朝因之

紹興府志蕭山為縣自前漢始初名餘榮隋平陳廢入會稽縣唐天寶元年改為蕭山縣宋元因之不改郡縣志繫蕭山縣府西北一百里漢書應劭注云漢分諸暨山陰地為下諸暨後易名餘榮屬會稽郡至吳孫氏改為永興隋併入會稽唐儀鳳二年又自會稽分置輿地廣記繫蕭山縣本餘暨縣漢屬會稽郡晉因之隋省入會稽縣唐儀鳳二年復置屬越州天寶元年改曰蕭山縣有蕭山潘水所出水經以為疑是浦陽江之別名自外無水以應之越人西施出於此縣元一統志元和郡縣志云本日餘榮吳王闔閭弟夫榮之邑吳孫權改曰蕭山輿地廣記曰漢末童謡曰天子當興東南三餘之間故孫權改曰永興縣晉因之與元和志所紀不同西漢地理志云王莽改曰餘付今詳按兩漢志會稽郡下並有餘暨而無永興晉志會稽郡下有永興而無餘暨則是吳孫權改餘暨為永興非改餘暨為蕭山沈約宋志於永興縣下亦云漢舊餘暨縣吳更名永興則吳孫權未嘗更為蕭山也和志所紀非是今不取又隋平陳廢永興

永樂大典卷七九六三

二十三

入會稽唐志蕭山縣下注云儀鳳二年置永興縣天寶元年更名蕭山取

縣西蕭然山以為名宋因之稱緊邑自元至元十三年改附後定為中

嶠縣 大明清類天文分野之書漢本朝縣順帝時屬會稽郡三國吳賀

齊為今移治今所唐武德四年以縣為嶠州分置剡城縣八年州罷仍為

剡縣宋宣和三年改為嶠縣取四山為嶠之義元屬紹興路

本朝因之

紹興府志嶠為縣初名剡按前漢志會稽郡領縣二十六剡居其一梁開平中析剡縣三之一置新昌縣宋宣和三年知越州劉述古言剡有兵火象欲以嶠名縣詔從之元因之不改案字記剡縣舊四十四鄉今二十七鄉漢舊縣後漢順帝以浙江東十三縣為會稽郡剡亦屬焉孔暉記縣本在江東賀齊為剡今移于今所隋末隋李子通唐武德四年平賊以剡為嶠州六年廢嶠州依舊為剡縣元一統志本漢剡縣宋郡邑志云宣和三年平方臘知州事劉述古奏剡字兩大一刀有兵火象請改之遂易為嶠縣有嶠山東南西北皆有秀峯取四山為嶠之義至今因之舊望邑元至元十三年改附後定為上

新昌縣 大明清類天文分野之書漢剡縣地梁開平二年吳越王分剡

縣之石牛鎮置新昌縣宋元並屬紹興路



本朝因之紹興府志新昌古無是邑梁開平二年吳越王錢鏐新刻三之一始置新昌縣宋元因之不改寰宇記新昌縣十三鄉唐末錢鏐割據錢塘時以去温州之道路悠遠此地人物稍繁且無館驛乃析刻縣一十三鄉置新昌縣元一統志本東漢刻縣舊曰地名南明號石牛鎮梁開平二年吳越王錢鏐以此地人物稍繁始分刻縣十三鄉置新昌縣後併其鄉為八至宋因之舊為繁邑元至元十三年改附後定為中餘姚縣

大明清類天文分野之書秦以餘姚之地為縣屬會稽郡以首為母後及晉所封舜姓姚故曰餘姚漢晉宋齊並西之隋省入句章縣唐武德四年分故句章縣置餘姚縣又以新置姚州七年州廢以東為馬宋因之元貞元年陞為府屬紹興路

本朝以為縣紹興府志餘姚之名始見前漢書地理志周處風土記云漢會稽郡領縣二十六餘姚其一也自漢至陳縣之所隸不易隋平陳併餘姚入句章縣唐武德四年析句章之餘姚為姚州七年廢姚州復為餘姚縣隸越州開元二十六年析越州鄞縣置明州改明州為餘姚郡乾元元年郡復為州其後餘姚隸明州至宋復隸越州元貞元年以餘姚之戶餘四萬陞為州今復為縣云郡縣志望餘姚縣府東北一百四十七里漢舊

永樂大典卷九百三十三

二十四

縣在餘姚山上海經云句餘之山無草木多金玉郭璞注云在會稽餘姚縣南句章縣北元一統志會稽志風土記云秦漢為縣屬會稽郡元和郡志云隋平陳省入句章縣唐武德四年析故句章縣置餘姚縣以縣置姚州七年州廢以縣來屬宋因之為望邑元定為上屬紹興路諸暨縣 大明清類天文分野之書周越王也嘗所都秦舊縣漢為諸暨

縣屬會稽郡與平二年分立吳寧縣宋乾道八年以其地之楓橋鎮置長安縣後省元貞元年陞為州屬紹興路

本朝以為縣紹興府志本縣為越允常所封舊邑西有楮山北有槩浦以楮字省木槩字音相連因山浦以為名或言越得吳封無諸與夫槩於此邑上取諸字下取槩字因封邑以為名漢興平二年分諸暨之大門村為漢寧縣吳改為吳寧縣寶鼎元年割隸東陽郡復併入諸暨宋乾道八年分諸暨之楓橋鎮為義安縣後廢入諸暨元因各邑戶計五萬三千九百七十八戶陞為州今復為諸暨縣郡縣志望諸暨縣府西南一百四十二里越王允常之故邑國語所謂南至句無即此也漢為縣縣界有槩浦諸山因以名之歷代不改元一統志沈約宋志云漢舊縣宋會要云乾道八年以諸暨之楓橋鎮置義安縣淳熙元年後省止存諸暨至今因之舊是望

邑元定為上屬紹興路

分野

紹興府志高貢隸揚州之域周禮保章氏以星土辨九州之地所封封域皆有分星以視吉凶星紀吳越也漢書地理志云吳地斗分野會稽志云今之會稽九江丹陽豫章廬江廣陵六安臨淮郡並吳分也越地牽牛婺女之分野會稽志云其君禹後帝少康之庶子封於會稽虞翻以為會稽上應牽牛之宿當少陽之位東漸巨海西通五湖南暢無垠北渚浙江南山攸居實為州鎮春秋左氏傳吳伍員曰句踐與我同壤夫差亦曰越之與吳同土連域然則吳越同壤其來久矣按晉書天文志曰自南斗十二度至須女七度為星紀於辰為丑吳越分曰揚州而會稽入牛一度春秋元命包曰牽牛流為揚州分為越國會稽志云左傳昭公三十二年夏吳伐越文星曰不及四十年越其有吳乎越得歲而吳伐之必受其山漢永嘉中歲星熒惑太白聚牛女之間識者以為吳越之分其後孫策孫權實有江左晉太元間符堅將入寇石越對曰今歲在吳分天道不順已而堅果敗去及陳叔寶將亡有星孛于牽牛以此故之則斗牛之分吳越同之信矣會稽志云班固別而言之恐有未詳

永樂大典卷九百零三

二十五

至到

本府紹興府志東至明州府慈溪縣地名桐下湖界二百里自界到明州府治一百一十里計三百一十里 西至杭州府富陽縣地名塘口關界一百三十五里自界到杭州府富陽縣治七十里共計二百五里 南至金華府東陽縣地名應村為界二百五里自界到金華府東陽縣治六十里共計二百六十五里 北至三江海口二十一里 東南到台州府天台縣地名關嶺為界二百八十五里自界到台州府治一百三十五里計四百二十里 東北到明州府慈溪縣地名洋浦雙河為界二百四十里 西南到金華府浦江縣地名楊墓嶺為界一百九十里自界到浦江縣四十里計二百三十里 西北到杭州府錢塘江中流為界一百一十九里自界到杭州府治一十九里計一百三十八里會稽志云東至慶元府慈溪縣界一百五十七里 西至臨安府錢塘縣界一百三十八里 南至台州天台縣界二百九十五里 北至海一百一里 東西二百三十二里 南北四百四十七里至東京二千四百七十里西京二千八百七十里 鄞縣志云至東京二千四百五十里 東至慶元府二百七十二里 西至臨安府一百六十九里 南至台州四百九十五里 北至海

一百一里 東南至台州四百六十九里 西南至臨安府四百二十二里 東北至慶元府三百五十七里 西北至臨安府一百三十三里 東至長安三千七百三十里 東至明州二百七十里 西至杭州一百三十里 南至台州天台縣關嶺一百三十六里 北至海與蘇州分界一百三十里 東南至台州四百七十五里 西南至婺州三百九十里 東北至淡江海際三百九十八里 九域志云大都督府越州會稽郡鎮東軍節度治會稽山陰二縣至東京二千四百七十里 東至本州界一百五十七里 自界首至明州一百一十五里 西至本州界一百三十八里 自界首至杭州三十一里 南至本州界二百九十五里 自界首至台州一百六十四里 西南至本州界一百九十一里 自界首至杭州二百三十里 東北至本州界二百二十七里 自界首至明州一百三十里 西北至本州界一百一十五里 自界首至杭州一十八里 元一統志云慶元路慈溪縣界一百九十里 西至杭州路界一百三十八里 南至

永樂大典卷九百五十五

二十六

台州路天台縣界二百四十五里 北至大海一百一里 東到慶元路三百一十里 西到建德路三百七十里 南到台州路三百八十里 北到大海一百一里 東南到慶元路三百五十里 東北到大海一百一十里 西南到婺州路三百五十里 西北到杭州路一百七十一里 江浙須知日本路至大都陸路四千九百一十五里 水路四千六百一十里 東至慶元路界地名桐下湖橋一百九十里 西至杭州路界地名浙江中流一百三十八里 南至台州路界地名關嶺二百四十五里 北至大海一百一里

山陰縣 東至會稽橋為界一里一百四十六步到會稽五十七步 西至蕭山縣錢清浮橋為界六十二里到蕭山縣三十八里共計一百里 南至諸暨縣界五十里 北至三江海口二十一里 東南至會稽縣界地名覆釜嶺四十里 東北至會稽縣界地名宋家溝二十八里 西南至諸暨縣界古博嶺五十里 自界到諸暨縣七十里共一百二十里 西北至白洋海岸五十五里 會稽志云望山陰縣本絕王句踐之都 會稽土地志云邑在山陰故以名焉 東西九十八里 南北一百一十八里 東至會稽縣界一百五十步 以運河中流為界 自界至會稽縣六十步 西至

永樂大典

卷七九六三

蕭山縣界五十三里以西小河中流為界自界至蕭山縣五十里 南至諸暨縣界七十里以古博嶺為界自界至諸暨縣一百四十三里 北至海一百五里海北岸即嘉興府界 東南到會稽縣界一百六十六步 西南到蕭山縣界五十八里 東北到會稽縣界五十八里 西北到蕭山縣界四十七里 元一統志云西北至上郡四千八百九十五里 西北至大都四千九百九十五里 北至本路三里 東至會稽縣運河界一百五十步 西至蕭山縣小江界五十三里 南至諸暨州古博嶺界四十五里 北至大海三十五里 東到本路三里 西到蕭山縣一百三里 南到諸暨州一百二十里 北到大海三十五里 東南到嵊縣一百五十七里 西南到諸暨州一百一十里 東北到會稽縣三里 西北到蕭山縣九十七里

會稽縣 東至上虞縣界八十五里以曹娥江中流為界至上虞縣三十里計一百二十里 西至山陰縣界五十七步以縣西橋河中流為界自界至山陰縣一里一百四十六步計一里二百三十三步 南至嵊縣界一百二十里以孫家嶺為界自界至嵊縣六十里計一百八十里 北至桑盆岸一十八里運海北岸接嘉興府界 東南到嵊縣地名三界一百三

永樂大典卷七九六三

二十七

十里 東北到本縣地名延德鄉海岸六十五里 西南到山陰縣地名覆釜嶺二十里 西北到山陰縣地名宋家渡一十八里會稽志云望會稽縣本山陰縣地隋廢山陰更置會稽縣為會稽郡治唐垂拱二年復分置山陰並在府郭下東西一百二十四里南北一百三十里 東至上虞縣界九十二里以東小江中流為界自界至上虞縣二十八里 西至山陰縣界六十步以運河中流為界自界至山陰縣一百五十步 南至嵊縣一百二十里以孫家嶺為界自界至嵊縣五十五里 北至海二十里 過海北岸接嘉興府界 東南到嵊縣界一百四十里 西南到山陰縣界三里一十步 東北到上虞縣界七十五里 西北到山陰縣界三里二步 元一統志云西北至上郡四千八百九十五里 西北至大都四千九百九十五里 西至本路治一百八十步 東至上虞縣界小江九十二里 西至山陰縣界運河六十步 南至嵊縣界杉木嶺一百里 北至大海三十里 東到上虞縣一百二十里 西到本路四里 南到嵊縣一百五十五里 北到大海三十里 東南到上虞縣一百三十五里 西北到山陰縣三里 東北到上虞縣一百二十里 西北到蕭山縣九十七里

上虞縣 東至餘姚縣小查湖二十八里自界到餘姚縣三十二里計六十里 西至會稽縣界曹娥江中流三十五里自界到會稽縣八十五里計一百二十里 南至嵊縣界郁嶺七十里自界至嵊縣六十里計一百三十里 北至大海四十五里過海北岸係嘉興府 東南至餘姚竺溪嶺三十里 東北至本縣夏蓋山海岸三十五里 西南到嵊縣會稽地名三界九十里自界到嵊縣四十里計一百三十里 西北到會稽縣界廷德鄉海岸八十七里過海會稽界會稽志云望上虞縣十三州志云夏禹與諸侯會計因相其樂於此地故曰上虞在府東一百二十里東西五十三里南北一百一里 東至餘姚縣界二十八里以新梅為界自界至餘姚縣四十五里 西至會稽縣界二十八里以曹娥江中流為界自界至會稽縣九十二里 南至嵊縣界七十里以郁嶺石床鋪為界自界至嵊縣六十里 北至海四十五里過海北岸即嘉興府界 東南到餘姚縣界四十五里 西南到嵊縣界九十里 東北到餘姚縣二十里 西北到會稽縣界八十七里 元一統志云西北至上都五十一十五里 西北至大都四十二百一十八里 西至本路一百二十里 東至餘姚州界二十八里 西至會稽縣界二十八里 南至嵊縣界七十里 北

永樂大典卷之九百零五

至大海四十里 東到餘姚州六十里 西到會稽縣一百二十里 南到嵊縣一百三十里 北到大海四十五里 東南到餘姚州六十五里 西南到會稽縣一百二十里 東北到餘姚州六十五里 西北到會稽縣一百三十五里

蕭山縣 東至山陰縣錢清界三十八里自界到山陰縣六十二里共一百里 西至杭州府錢塘縣界錢塘江中一十九里自界轉北到錢塘縣一十九里共三十八里 南至本府諸暨縣界亭湖橋六十里自界到諸暨縣八十里共一百四十里 北至大海二十五里 東南至山陰縣界小江口二十五里 西南至杭州府富陽縣界塘口關三十五里 東北至山陰縣界白洋海岸三十五里 西北至杭州府仁和縣界錢塘江中一十九里自界到仁和錢塘二縣一十九里共三十八里 會稽志云繁蕭山縣本吳王闔閭弟夫槩之邑以縣西蕭然山為名在府西北一百里九十步東西六十二里南北九十里 東至山陰縣界五十里以西小江中流為界自界至山陰縣五十三里 西至臨安府錢塘縣界二十三里以浙江中流為界自界至錢塘縣三十里 南至諸暨縣界六十五里以勞績為界自界至諸暨縣六十五里 北至臨安府錢塘縣三十五里以浙

江中流為界自界至錢塘縣四十七里 東南到山陰縣界五十一里  
西南到臨安府錢塘縣界四十八里 東北到山陰縣界四十九里 西  
北到臨安府錢塘縣界一十五里 元一統志云西北至上都四千七百  
七十七里 西北至大都二千九百七十七里 東至本路一百里 東  
至山陰縣界五十里 西至杭州路錢塘縣界二十三里 南至諸暨州  
界六十五里 北至杭州路仁和縣界三十五里 東到山陰縣一百三  
里 西到杭州路錢塘縣五十三里 南到諸暨州一百二十里 北到  
杭州路仁和縣八十里 東南到山陰縣九十七里 東北到杭州路鹽  
官縣五十四里 西南到杭州路富陽縣九十里 西北到富陽縣八十里  
嵒縣 東至明州府奉化縣界陸詔嶺六十里自界到奉化縣八十里計  
一百四十里 西至諸暨縣界老茨嶺七十五里自界到諸暨縣八十五  
里計一百六十五里 南至新昌縣界胡塔一十八里自界到新昌縣一  
十七里計三十五里 北至會稽縣孫家嶺六十里自界到會稽一百二  
十里計一百八十里 東南至明州府奉化縣界箬坑嶺一百三十里自  
界到奉化縣一百二十里計二百五十里 東北至本府新昌縣界郁嶺  
六十里自界到新昌縣六十八里計一百二十八里 西南至金華府東

陽縣界白峯嶺八十里自界到東陽縣八十五里計一百六十五里 西  
北至本府上虞會稽縣界五十里自界到本府一百三十里計一百八十  
里 會稽志云望味縣本漢剡縣道書云兩火一刀可以逃言剡多石山可  
以避災也 宣和三年改今名縣有味山水經注崂山與味山峯嶺相連又  
云東有草山南有黃山西有白山為縣之秀峯味山在北乃四山為味之  
義在府東南一百八十里東西二百七十六里南北一百七十六里 東  
至慶元府奉化縣界一百四十里以陸詔嶺為界自界至奉化縣一百里  
西至諸暨縣界一百三十六里以勞嶺為界自界至諸暨縣七十三里  
南至新昌縣界一十五里以胡塔為界自界至新昌縣一十五里 北  
至會稽縣界五十五里以池湖驛為界自界至會稽縣一百四十里 東  
南到新昌縣界一十五里 西南到婺州東陽縣界九十里 東北到會  
稽縣界六十二里 西北到會稽縣界六十二里 元一統志云西北至  
上都五千四十五里 西北至大都四千二百四十八里 北至本路一  
百五十里 東至慶元路奉化縣界一百一十里 西至諸暨州界一百  
二十六里 東到新昌縣三十里 西到諸暨州二百九里 南到新昌  
縣三十里 北到會稽縣一百五十五里 東南到新昌縣三十五里

東北到新昌縣四十五里 西南到婺州東陽縣一百七十二里 西北到山陰縣一百五十七里

新昌縣 東至台州府寧海縣松樹嶺一百二十里 西至嵊縣界一十八里 南至台州府天台縣界石疊嶺寨七十五里 自界到天台縣五十八里 共一百二十五里 北至嵊縣湖塘渡一十七里 自界到嵊縣一十八里 共三十五里 東南至台州府天台縣關嶺七十五里 自界到天台縣四十五里 共一百二十里 西南至嵊縣郁嶺六十八里 自界到嵊縣六十里 共一百二十八里 東北至明州府奉化縣剡界嶺八十里 自界到奉化縣一百里 共一百八十里 西北至嵊縣小坑嶺三十里 會稽志云 案新昌縣本剡縣地唐末錢氏析十三鄉置新昌縣後併其鄉為八在府東南二百二十里 東西八十里 南北一百五里 東至嵊縣界五十里 以孝嘉鄉為界 自界至嵊縣二十里 西至嵊縣界三十里 以烏巖溪為界 自界至嵊縣二十里 南至台州府天台縣界七十五里 以祥鸞鄉為界 自界至天台縣六十四里 北至嵊縣界三十里 以王宅渡溪為界 自界至嵊縣二十五里 東南到台州府天台縣界八十五里 西南到嵊縣界一十五里 東北到嵊縣界二十五里 西北到嵊縣界一十五里 元一

永樂大典卷九百六十五

三十

統志云 西北至上都五十七里 西北至大都四十二百七十八里 北至本路一百八十里 東至台州府寧海縣界一百里 西至嵊縣界一十五里 南至天台縣界五十五里 北至嵊縣界一十五里 東到奉化縣二百四十里 西到嵊縣三十里 南到天台縣一百五里 北到嵊縣三十里 東南到天台縣一百五里 西南到嵊縣四十五里 東北到奉化縣一百八十里 西北到嵊縣三十五里 餘姚縣 東至明州府慈溪縣桐下湖橋分界二十里 自界到慈溪縣六十里 共八十里 西至本府上虞縣小查湖分界三十二里 自界到上虞縣二十八里 共六十里 南至明州府奉化縣白蓮庄分界八十五里 北至大海四十五里 東南至明州府慈溪縣石門分界二十五里 自界到慈溪縣一百里 共一百二十里 東北至明州府慈溪縣雙河洋浦分界六十里 自界到慈溪縣八十里 共一百四十里 西南至本府上虞縣竺溪嶺分界三十里 西北至本府上虞縣夏蓋山海岸分界七十五里 會稽志云 雙餘姚縣周處風土記云 舜後支庶所封 舜姓姚 故曰餘姚 在府東北一百四十七里 東西六十里 南北二百六十里 東至慶元府慈溪縣界一十里 以桐下湖橋為界 自界至慈溪縣八十里 西至上虞縣

永樂大典

卷七九六三

界四十五里以新橋為界自界至上虞縣二十里 南至嵊縣界一百六十一里以黎州山為界自界至嵊縣三百里 北至海三十五里通海北岸接平江府界 東南到慶元府慈溪縣界三十五里 西北到上虞縣界四十五里 東北到慶元府慈溪縣界八十里 西北到上虞縣界六十里 元一統志云西北至上都五千七十五里 西北至大都四百二十七十八里 西至本路一百八十里 東至慶元路慈溪縣界一百一里 西至上虞縣界三十二里 南至嵊縣界一百六十一里 北至大海三十五里 東到慶元路慈溪縣九十里 西到上虞縣六十里 南到嵊縣一百六十五里 北到大海三十五里 東南到慶元路慈溪縣八十里 西南到上虞縣六十五里 東北到慶元路慈溪縣八十里 西北到上虞縣六十五里

諸暨縣 東至本府嵊縣界皂莢嶺八十五里自界到嵊縣七十五里共一百六十里 西至杭州府富陽縣界雀門嶺八十一里自界轉北到富陽縣七十九里共一百六十里 南至金華府義烏縣界善坑嶺六十里自界到義烏縣六十里共一百二十里 北至本府蕭山縣里亭湖橋八十里自界至蕭山縣六十里共一百四十里 東南至金華府東陽縣應

永樂大典卷七九六三

三十一

村七十五里自界到東陽縣六十里共一百三十五里 東北至本府山陰縣界古博嶺七十里自界到山陰縣五十里共一百二十里 西南至

金華府浦江縣界楊基嶺七十里自界到浦江縣四十里共一百一十里 西北至杭州府富陽縣界塘口關八十里會稽志云里諸暨縣本越王

允常所都或言西有儲山北有梁浦諸文者暨音近因山浦以為名也或言無諸舊封夫暨故邑上取諸下取暨因封邑以為名也在府西南一百四十二里東西一百六十里南北一百六十一里 東至嵊縣界八十三里以茆嶺為界自界至嵊縣一百二十六里 西至臨安府富陽縣界八十一里以黃峴嶺為界自界至富陽縣一百二十六里 南至婺州浦江縣界七十里以新界官道為界自界至清江縣五十里 北至蕭山縣界九十一里以南亭浦為界自界至蕭山縣九十二里 東南到婺州東陽縣一百二十里 西南到臨安府富陽縣界五十里二百步 東北到山陰縣界八十一里 西北到蕭山縣界七十里 元一統志云西北至上都四千九百一十四里 西北至大都四十一百一十四里 東北至本路一百一十里 東至嵊縣界八十三里 西至婺州路浦江縣界六十八里 南至婺州路東陽縣界一百三十里 北至本路蕭山縣界六



十五里 東到嵎縣二百九里 西到婺州路浦江縣一百三十里 南到婺州路東陽縣一百九十里 北到蕭山縣一百二十里 東南到婺州路浦江縣一百三十里 西北到蕭山縣一百三十五里 西南到婺州路東陽縣一百一十里

道路水路附

會稽志山陰縣 東路來自會稽縣界經縣界五十四里西入蕭山縣界 南路來自諸暨縣界經縣界二百二十里至海岸過海入嘉興府界 西小江水路東南來自諸暨縣界經縣界五十五里西北入蕭山縣界勝舟五百石 運河水路東來自會稽縣界經縣界五十三里一百六十步西入蕭山縣界勝舟五百石 會稽縣 東路來自上虞縣界經縣界九十三里西入山陰縣界 南路來自嵎縣界經縣界一百六十里北至海岸過海入嘉興府界 東南路來自嵎縣界經縣界一百七十里西入山陰縣界 西南路來自山陰縣界經縣界一百五里東北入上虞縣界 曹娥江路南來自上虞縣界經縣界四十里北入海勝舟五百石 若邪溪路南來自縣五雲鄉界經縣界二十五里北入鏡湖勝舟五十石

永樂大典卷九百六十三

上虞縣 東路來自餘姚縣界經縣界五十三里西入會稽縣界 南路來自嵎縣界經縣界一百一十里北至海岸過海入嘉興府界 上虞江路在縣西二十八里南來自嵎縣界經縣界一百九十里西入會稽縣界 大信潮勝舟五百石小信潮勝舟二百石 運河路在縣南二百二十步東來自餘姚縣界經縣界五十三里六十步西入會稽縣界勝舟二百石 蕭山縣 東路來自山陰縣界經縣界六十二里西入臨安府錢塘縣界 南路來自諸暨縣界經縣界九十里北入臨安府鹽官縣界 浦陽路南來自諸暨縣界經縣界一百五十六里北入山陰縣界勝舟二百石 運河路東來自山陰縣界經縣界六十二里西入臨安府錢塘縣界勝舟二百石 嵎縣 東路來自慶元府奉化縣界經縣界一百七十六里西入諸暨縣界 南路來自新昌縣界經縣界一百七十六里北入會稽縣界 剡溪路西南來自婺州東陽縣界經縣界一百四十里東北入上虞縣界勝舟一百石 新昌縣 東路來自嵎縣界經縣界六十里西復入嵎縣界 南路來自台州天台縣界經縣界一百里北入嵎縣界 萬里東南通台州天台縣

一百五里 西北通味縣三十里 東小路通慶元府奉化縣一百二十里 西南通婺州東陽縣一百八十里  
餘姚縣 東路來自慶元府慈溪縣界經縣界六十里西入上虞縣界  
南路來自味縣界經縣界二百六十里北至海岸過海入平江府界餘  
姚江路西來自上虞縣界經縣界五十五里東入慶元府慈溪縣界勝舟  
五百石  
諸暨縣 東路來自味縣界經縣界一百六十三里西入臨安府富陽縣  
界 南路來自婺州浦江縣界經縣界一百六十里北入蕭山縣界 東  
南路來自婺州東陽縣界經縣界二百里東北入山陰縣界 西路來自  
臨安府富陽縣界經縣界一百二十里西北入蕭山縣界 浣江路東南  
來自安俗鄉界經縣界九十一里  
北入蕭山縣界勝舟二百石。

# 永樂大典卷之七千九百六十三

重錄總校官 傅 郎 高 拱

學 士 胡 正 蒙

分 校 官 編 修 呂 昊

書 寫 儒 士 韓 旭

圖 點 監 生 徐 克 壯

歐 陽 新